

**ALCALDÍA DOS
CONCELLOS QUE FIGURAN NO ANEXO**

**CIRCULAR SOBRE A APROBACIÓN DO
PLAN PROVINCIAL DE COOPERACIÓN ÁS OBRAS E SERVIZOS DE
COMPETENCIA MUNICIPAL (PLAN ÚNICO DE CONCELLOS) ADICIONAL 2/2018**

**POS+ ADICIONAL 2/2018 POR REINVESTIMENTO DE
ECONOMÍAS DO POS+2017**

A Presidencia desta deputación, mediante a Resolución número 2018/42571 do 03/12/2018, en relación co acordo plenario do 16 de maio de 2018, **CONSIDEROU DEFINITIVAMENTE APROBADO O PLAN PROVINCIAL DE COOPERACIÓN ÁS OBRAS E SERVIZOS DE COMPETENCIA MUNICIPAL (PLAN ÚNICO DE CONCELLOS) POS+ ADICIONAL 2/2018 POR REINVESTIMENTO DE ECONOMÍAS DO POS+ 2017**, elaborado no marco das Bases reguladoras do POS+2018, aprobadas mediante acordo plenario do 29 de setembro de 2017 e publicadas no Boletín Oficial da Provincia (BOP) nº 188, do 3 de outubro de 2017.

A aprobación definitiva deste POS+Adicional 2/2018 quedou condicionada á entrada en vigor do Expediente de modificación de créditos (EMC) 7/2018, aprobado polo Pleno desta deputación na sesión realizada o 21 de novembro de 2018, que actualmente está en fase de exposición pública mediante a publicación dun anuncio no BOP número 223 do 22 de novembro de 2018, para que durante 15 días poidan presentarse as alegacións ou reclamacións que se estimen convenientes, e cuxa entrada en vigor anunciarase posteriormente mediante a publicación dun novo anuncio no BOP. Máis adiante enviaráselle a ese concello unha circular comunicando a aprobación definitiva do POS+Adicional 2/2018, logo da entrada en vigor do citado EMC 7/2018

No ANEXO que figura ao final desta Circular detállanse os investimentos financeiramente sostibles solicitados por ese concello, xa previstos no Plan Complementario ao POS+2018, cuxa adxudicación e execución desenvólvese nesta Circular.

INVESTIMENTOS FINANCEIRAMENTE SOSTIBLES INCLUIDOS NO POS+ ADICIONAL 2/2018

Os investimentos dese concello que se inclúen neste POS+ Adicional 2/2018 están entre os que solicitou no seu momento, con carácter supletorio, no POS+ Complementario 2018, e foron aprobados conxuntamente co POS+ 2018 Base de forma condicionada á existencia de crédito necesario para o seu financiamento. Unha vez que existe crédito provincial procedente das economías xeradas nos distintos obxectos do POS+2017 por baixas de licitación, anulacións ou outras causas, e despois de confirmar ese concello a súa aplicación a este POS+ Adicional 2/2018, completada, de ser o caso, coa achega municipal, **os investimentos dese concello incluídos neste Plan son os que se indican no ANEXO ao final desta Circular**, coa indicación do seu financiamento desagregado entre a deputación e, de ser o caso, o concello

Todos os trámites dos concellos que implique a xestión deste Plan faranse de xeito telemático a través da plataforma SUBTEL da páxina web desta deputación www.dacoruna.gal

De acordo co previsto na Base 7 das reguladoras do Plan, os concellos contratarán os investimentos de acordo coa nova Lei 9/2017, do 8 de novembro, de contratos do sector público (BOE nº 272 do 9 de novembro de 2017), utilizando os pregos-tipo de cláusulas administrativas particulares que foron aprobados polo Pleno desta deputación nas sesións realizadas os días 27 de abril e 25 de maio de 2018, cuxo texto íntegro está publicado no BOP nº 82 do 2 de maio de 2018 e no nº 101 do 30 de maio de 2018 respectivamente, e na seguinte páxina web desta deputación: www.dacoruna.gal/contratación/documentos.

PROCEDEMENTO		Acordo Plenario Aprobación	Boletín Publicación
Procedemento ABERTO	Pluralidade de criterios de adxudicación AUTOMÁTICA	27/04/2018	BOP nº 82 02/05/2018
Procedemento ABERTO	Pluralidade de criterios de adxudicación, con aplicación de XUIZOS DE VALOR e criterios de apreciación AUTOMÁTICA	27/04/2018	BOP nº 82 02/05/2018
Procedemento ABERTO	Adxudicación cun único criterio de adxudicación FACTOR PREZO	27/04/2018	BOP nº 82 02/05/2018
Procedemento ABERTO SIMPLIFICADO	Pluralidade de criterios de adxudicación, con aplicación de XUIZOS DE VALOR e criterios de apreciación AUTOMÁTICA	25/05/2018	BOP nº 101 30/05/2018
Procedemento ABERTO SIMPLIFICADO	Criterios de apreciación AUTOMÁTICA ou mediante FÓRMULAS	25/05/2018	BOP nº 101 30/05/2018
Procedemento ABERTO SIMPLIFICADÍSIMO	Criterios de apreciación AUTOMÁTICA ou mediante FÓRMULAS	25/05/2018	BOP nº 101 30/05/2018

O concello deberá cubrir en cada expediente o correspondente cadro de características do contrato.

O incumprimento das condicións da delegación da contratación implicará a perda da achega da deputación ao investimento correspondente, aínda que a achega provincial poderá reinvestirse a través dun Plan dun exercicio posterior

Excepcionalmente, as obras poderán executarse pola propia Administración de acordo co establecido no artigo 30 da citada Lei 9/2017 de contratos do sector público.

Non se poderá realizar a adxudicación mediante contrato menor.

Os prazos para a contratación e execución dos investimentos incluídos neste POS+ Adicional 2/2018, segundo o establecido na Resolución da súa aprobación, **rematan o 30 de novembro de 2019 e o 30 de novembro de 2020**, respectivamente, aínda que estes prazos poderán prorrogarse mediante Resolución da Presidencia desta deputación tras a solicitude motivada do concello.

Polo que se refire á **execución** das obras ou subministracións, a Base 8 destaca que os investimentos executáranse polos respectivos concellos con arranxo ao proxecto técnico da obra ou prego de prescricións técnicas da subministración, e que calquera incremento que se derive da modificación do contrato, de liquidacións ou de outro concepto deberá ser financiado integramente polo concello.

O pago da achega provincial, realizarase á vista das certificacións de execución das obras ou facturas das subministracións, aprobadas polo órgano municipal competente, que o concello presente nesta deputación, xunto co resto da documentación que se esixe na plataforma SUBTEL, empregando os modelos establecidos

NOTA IMPORTANTE EN RELACIÓN COA ADXUDICACION EN LOTES

Coa finalidade de dar cumprimento ao establecido no artigo 99.3 da citada Lei 9/2017, de contratos do sector público, relativo á adxudicación en lotes, ese concello presentou neste POS+ Adicional 2/2018 unha Declaración de Alcaldía na que se expoñían unha serie de motivos para a non división en lotes da adxudicación do contrato naqueles supostos nos que a natureza e o obxecto do mesmo así o permitira.

Polo tanto, a adxudicación destes investimentos deberá realizarse como unha unidade contractual, incorporando aos expedientes os correspondentes acordos ou resolucións do órgano de contratación dispoñendo motivadamente a súa non división en lotes.

ANEXO

CONCELLO	DENOMINACIÓN	DEPUTACIÓN	CONCELLO	TOTAL
AMES	Cubric.xogos pq. infant.Agro da Vella (Milladoiro)	154.148,21	36.245,39	190.393,60
	TOTAL	154.148,21	36.245,39	190.393,60
BETANZOS	Mellora. pav. e segur. en Castro, A Peada e ou.	138.188,13	8.494,57	146.682,70
	TOTAL	138.188,13	8.494,57	146.682,70
BRIÓN	Mellora pistas Aldeas de Brans de Arriba e Aguiar	30.565,54	41.438,14	72.003,68
	TOTAL	30.565,54	41.438,14	72.003,68
MIÑO	Ampliación rede munic. sumidoiros Arbosa (Perbes)	31.981,80	0,00	31.981,80
	TOTAL	31.981,80	0,00	31.981,80
NEDA	Pavimentación camiños nos Pazos-A Silva	39.765,58	8.410,06	48.175,64
	TOTAL	39.765,58	8.410,06	48.175,64
ORDES	Pista de Nouche a limite Oroso,Recouso-Marzoa,Bean	72.312,18	0,00	72.312,18
	Pavimentacion viais na Ermida (Bean) e outros	49.653,40	0,00	49.653,40
	Pista Ameixeira a Carballedo (Buscás)	110.970,32	0,00	110.970,32
	TOTAL	232.935,90	0,00	232.935,90
PADERNE	Pavimentacion viais nas prrq. Souto e Vilamourel	40.256,79	8.380,90	48.637,69
	TOTAL	40.256,79	8.380,90	48.637,69
PONTECESO	Pavimentación viais en Ninóns e outros	289.852,60	0,00	289.852,60
	TOTAL	289.852,60	0,00	289.852,60

AS PONTES DE G.R.	Repos. cmños. Caneiro, A Da, Lombo de Afonso e ou.	131.994,12	10.456,42	142.450,54
	Repar. no Pazo, Os Cadavás, Paipaz, Pereira e ou.	168.892,78	10.456,43	179.349,21
	TOTAL	300.886,90	20.912,85	321.799,75
SANTA COMBA	Mellora firme e sinaliz. rúas Curros Enríquez e o.	165.293,55	0,00	165.293,55
	Mellora do firme no lugar de Barbeira	44.744,89	0,00	44.744,89
	TOTAL	210.038,44	0,00	210.038,44
SANTISO	Cmaño. Agro do Chao-Cruce dos Oitos-límite Arzúa	40.582,28	1.603,26	42.185,54
	TOTAL	40.582,28	1.603,26	42.185,54
SOBRADO	Acondic. viais nas prrqs. de Nogueira e Ciadella	80.843,73	0,00	80.843,73
	TOTAL	80.843,73	0,00	80.843,73
AS SOMOZAS	Obras comple. contorna parque público nas Somozas	36.630,67	0,00	36.630,67
	TOTAL	36.630,67	0,00	36.630,67
TEO	Senda peonil entre A Pedra e AC-841 (Recesende)	176.324,62	28.032,84	204.357,46
	Afirmado e acondicionam.vial da A Grela e Loureiro	79.557,29	12.648,35	92.205,64
	TOTAL	255.881,91	40.681,19	296.563,10
VAL DO DUBRA	Pavimentacion Rua Ruevo Portomouro	142.580,94	57.381,37	199.962,31
	TOTAL	142.580,94	57.381,37	199.962,31